



# MEMORIA 2016

---

CASARES-TOMASENE  
KULTUR ETXEA



# CASARES-TOMASENE

## Kultur Etxea



Olatu Talka: Altzaquillo

2016an, prestakuntza hobetzeko egin zen lan, sortzaile berriei adierazpideak errazteko eta laguntzaile-sareak sendotzeko eta zabaltzeko.

**DSS2016EU**rekiko lankidetzak aberastu egin zuen programazioa urtean zehar zenbait proposamenen bitartez, eta horien artean **Mugalariak** proiektua nabarmendu zen, zeinari esker **Elirale** dantza-taldea egoiliar gisa egon baitzen Casaresen. Hartara, Altxako ikastetxeetako haurrek **Oa-huetak** lanaren sorkuntza prozesuan hartu zuten parte.

Altxako ikastetxeekin batera egiten den **hezkuntza-jardueren** programak jauzi kualitatiboa egin zuen 2016an, eta erantzun bikaina jaso zuen jendeagandik: aurreko edizioetako asistentzia-datuak hirukoiztu zituen. Tomasenetik pasatu ziren, besteak beste, **Paco Cascón** eta **Guillermo Ballenato**, hezkuntzari buruz

argibideak eta irizpideak eskaintzeko.

Haurrentzako bi programa sendotu ziren **Artista Gazteak** eta **Zientziarekin Jolasean**. Aldikotasun jakin batez, arte-arloak eta zientzia-ezagutzak hurbildu zizkieten haurrei, modu parte-hartzaile eta jostalarian hurbildu ere.

**Prestakuntza** da kultur etxeko zutabeetako bat. 2016an, lehen ebaluazio bat egin zen, eta hari esker modu arinagoan jardun ahal izan genuen ikasleen gogobetetasuna handitzeko xedez. Bestalde, arlo batzuetan jarduera jakin batzuen bidez ahalegindu ginen prestakuntza osatzen. Orobat, 2016-2017 ikasturtean izena emandako ikasleen kopurua aurrekoa baino handiagoa izan zen.

**Ikus-entzunezkoen arloak** leku berezia izan zuen programazioan; prestakuntzatik, sorkuntzatik eta erakusketatik jorratu zen arloa.

**Argazki-ikastaroak, Argazki Rallyea** -Gipuzkoako Argazkilari Elkartearekin eta AHMrekin batera antolatua-, eta zenbait erakusketa, non bertako artista batzuen lanak jarri baitziren ikusgai: **Antonio Valencia** eta **Jaime Ballestarenak**.

Ilido beretik, **zeramikaren** arloari ekin genion. Lantegian ikasle gehiagok hartu zuten parte, kalitateak ere gora egin zuen, eta egindako lana agerian geratu zen ekinean egindako erakusketan. Orobat, profesional ospetsu baten lana ezagutu ahal izan genuen hurbiletik: **Ramón Fortena**.

Poltsiko Antzerkiaren zikloaren datak aldatu egin ziren, eta jende askorengana iritsi zen. Ikus-entzuleek gozatu egin erakusketak Tolosa eta



Hezkuntza jardunaldiak: Guillermo Ballenato



Ramón Forten Master Class bat



# CASARES-TOMASENE

## Kultur Etxea



Poltsiko Antzerkia: Putinen Guardasola

Ramon Agirreren **Putinen guardasola** edo Mirtaren **Los espejos son para mirarse** lanekin.

Kolaboratzaile-sarea zenbait elkartetara zabaldu zen; Atarik, esate baterako, **Arkitekturari eta Naturari buruzko Jardunaldietan** hartu zuen parte, eta beste jarduera batzuk lehendik datozen lankidetzen bidez egin ziren. Ildo horretatik joan zen **Bertso Astea** ere, zeinak, 2016an, Miren Amurizaren **Kapulana bat zintzilik** ekarri baitzigun, edo dagoeneko ohikoa den bertso-saioa, zeinean **Sustrai Colinak** eta **Igor Elortzak** hartu baitzuten parte, besteak beste. Bestalde, euskararen egunaren inguruan programaturiko jarduerari dagokionez, **Bertso marraztuak** lana izan genuen gozabide, **Unai Gaztelumendi**, **Andoni Egaña** eta **Uxue Alberdirekin**, besteak beste.



Bertso Marraztuak

Auzoarekiko lankidetzari esker, beste programa bat sortu zen: **Musika kalez kale**. Proiektu horretan, musika-talde profesionalen kontzertuekin batera, bertako talde amateurak ere izaten dira kalean, zenbait puntutan, edo ibiltari, Altzako gizarte-bizitza eta merkataritza suspertzeko helburuz.

Kalea izan zen, halaber, **Olatu Talka** jaialdiaren gertaleku. Casares Irratiak programa berezia eskaini zuen zuzenean jaialdi horretan, UrbanZientzia jarduerari buruz, eta Altxaquillo ikuskizunaren pieza berriak aurkeztu ziren.

Kale-antzerkiko programa Altzako zazpi aldetan gauzatu zen, hau da, aurreko edizioetan baino gehiagotan, eta berrikuntza bat ere izan zuen, bi lan ikus-entzule helduentzat egin baitziren.

Dibulgazio-lanari dagokionez, 2016an **Historiari buruzko Jardunaldiak** nabarmendu ziren. Aranzadiren lankidetzarekin, erromatar garaia gure inguruotan nolakoa izan zen jorratu zuten: azken ikerkuntzak zertan diren azaldu zen, eta era guztiak entzuleei hurbildu zitzairen iraganaren ezagutza zientifikoa eta objektiboa.

Literaturaren arloan, irakurketara bultzatzeko jarduera asko egin ziren haurrentzat, eta **Elvira Lindo** idazlea izan genuen gure artean, **Literaktum** programaren barruan, zeinak oso erantzun ona jaso baitzuen jendearen aldetik.

**Tomasene liburutegia** Euskadiko Irakurketa Sarean sartu zen, eta orain erabiltzaileek eskura dituzte sare

horretako liburutegietako funts guztiak.

**Casares Irratiak** % 50 emendatu zuen Internet bidezko entzuketa-kopurua, eta % 33 deskarga-kopurua. Orobat, **Hamaika Entzuteko** lehiaketaren bigarren edizioa egin genuen, pieza labur jatorrizkoak sortzea eta zabaltzea bultzatzeko. Lehen lehiaketaren aldean, bikoiztu egin zen parte-hartzaileen kopurua. Bestalde, **Gure Kabuz** ekinbideari esker, 29 gaztek beren irratsaioa sortzeko eta emateko aukera izan zuten.

**Plus 55** programak sendotu egin zituen ohiko jarduerak, eta proposamen berriak garatu zituen. Parte-hartzaileen artean, gogobetetasun-maila oso altua izan zen: martxa nordikoa, sakelakoa erabiltzen ikasteko ikastaroak, Giza liburutegia, Antzerki-foruma.

2016an, **Altzako Tokiko Bildumaren** zerbitzuan lanean jarraitu zuten gure dokumentu-ondarea bildu, gorde eta ezagunarazteko. Bildumak 16.328 dokumentu ditu, eta horietatik 12.364 daude kontsultagai. Erabilera-datuak oso onak dira.



Literaktum: Elvira Lindo



Casares Irratia



# CASARES-TOMASENE

## Kultur Etxea

| JARDUERAK                        |         |                |
|----------------------------------|---------|----------------|
|                                  | KOPURUA | ERABILTZAILEAK |
| GUZTIRA                          | 413     | 18.887         |
| Antzerkia                        | 15      | 2.130          |
| Dantza                           | 2       | 598            |
| Bideoa                           | 22      | 646            |
| Musika                           | 12      | 998            |
| Hitzaldiak                       | 32      | 963            |
| Erakusketak                      | 8       | 1.246          |
| Bilerak eta elkarteen ekitaldiak | 256     | 10.081         |
| Areto alokairuak                 | 1       | 60             |
| Liburutegiko jarduerak           | 41      | 1.386          |
| Besteak                          | 25      | 779            |

| ZERBITZUAK              |         |                |
|-------------------------|---------|----------------|
|                         | KOPURUA | ERABILTZAILEAK |
| GUZTIRA                 | 66      | 78.923         |
| Liburutegiko bisitariak |         | 72.296         |
| Plus 55                 | 34      | 1.105          |
| KZgunea                 | 32      | 4.443          |
| Inplantaris Lanbide     | 7       | 20             |
| IT Txartela             | 72      | 613            |
| Casares Irratia         | 11      | 446            |



## Prestakuntza **EMAKUMEAK**

|                       | GUZTIRA |                | EUSKERAZ |                | GAZTELANIAZ |                |
|-----------------------|---------|----------------|----------|----------------|-------------|----------------|
|                       | KOPURUA | ERABILTZAILEAK | KOPURUA  | ERABILTZAILEAK | KOPURUA     | ERABILTZAILEAK |
| 2015/16 ikastaroak    | 28      | 227            | 7        | 47             | 21          | 225            |
| Udako ikastaroak 2016 | 2       | 28             | 0        | 0              | 2           | 28             |
| 2016/17 ikastaroak    | 31      | 279            | 5        | 50             | 26          | 229            |

## Prestakuntza **GIZONAK**

|                       | GUZTIRA |                | EUSKERAZ |                | GAZTELANIAZ |                |
|-----------------------|---------|----------------|----------|----------------|-------------|----------------|
|                       | KOPURUA | ERABILTZAILEAK | KOPURUA  | ERABILTZAILEAK | KOPURUA     | ERABILTZAILEAK |
| 2015/16 ikastaroak    | 28      | 142            | 7        | 36             | 21          | 97             |
| Udako ikastaroak 2016 | 2       | 0              | 0        | 0              | 2           | 0              |
| 2016/17 ikastaroak    | 31      | 150            | 5        | 32             | 26          | 118            |

**BISITARIAK GUZTIRA: 116.883**